

DE WILDT
SOLAR

Q4 2021

Lekwalodikgang



DITIRELO TSA TLHOKOMELO YA BOITEKANOLO KWA DIKOLONG



Go ya mafelong a ngwaga wa 2021, De Wildt Solar e ne ya tlhoma lenaneo la boitekanelo la sekolo go tswelletsa go sale gale go filhaola le go neela kalafi go malwetsi a a kgoreletsang go ithuta, fa ka fa lethakoreng le lengwe le dira tsiboso ka ga dintlha tsa boitekanelo.

Lenaneo le atlegile mo go tlameleng ka ditirelo tsa boitekanelo go barutwana le maloko a baagi. Palogotlhe ya barutwana ba le 148 go tswa kwa Sekolong se se Potlana sa Polonia, Sekolo se Segolo sa Malatse Motsepe, IB Damons Combined, Sekolo se se Potlana sa Mohajane le Sekolo se Segolo sa Mothutlong di ne tsa iponela molemo go tswa go tliiniki e e tsamayang. Mo godimo ga seno, maloko a baagi a le 169 a ne a dirwa ditikolo tsa motheo tsa boitekanelo le go romelwa kwa maakelong ka go dirisa tliiniki e e tsamayang ya boitekanelo.

Barutwana le bona ba ne ba dirwa ditikolo tsa matlho, ditikolo tsa meno, ba tlhapiwa meno le go ntsha leswe mo marinining, ga mmogo le ditikolo tsa Bolwetse jwa Mafatlha(TB) le mogare wa Covid-19.

IB Damons Combined School

Lenaneo leno la Sekolo la Boitekanelo ke le nngwe la mananeo a a kwa godimo a a tlhamilweng go tlamela ka ditirelo tsa boitekanelo lobaka lo lo leele go maloko a baagi fa ka fa lethakoreng le lengwe le imolola tsamaiso ya boitekanelo ya selegae.

MALATSI A LE 16 A NTLWA KGATLHANONG LE TIRISODIKGOKA E E IKAEGILENG KA BONG

Jaaka karolo ya letsholo la bosesetshaba la Ntwa Kgatlhanong le Tirisodikgoka e e Ikaegileng ka Bong, De Wildt Solar e ne e tshwere dipuisano le barutwana le banna ka tirisano le Lefapha la Tlhabololo ya Loago le Mekgatlho E E Sa Direng Morokotso.

Maikaelelo a dipuisano tseno e ne e le go thlagisa tsibogelo ka ga tirisodikgoka ya mo malapeng le petelelo, ga mmogo le go neela basimane le basetsana bao ba leng bašwa ka kitso ka ga **Tirisodikgoka e e Ikaegileng ka Bong (GBV)** le go kgerisa. Kwa bofelong jwa dipuisano tseno, barutwana ba ne ba kgona go supa dipako tsa go kgerisa le GBV, mmogo le go tshwaela se se ka diriwang.

Puisano le banna ba kwa baaging ba **Mmakau** e ne ya tshwarwa ka maikaelelo a go fetola se se bolelwang ka ga GBV. Ka nako ya dipuisano, re sekasekile ditsela tsa go thibela tirisodikgoka e e ikaegileng ka bong le go sireletsa bao ba leng bokoa.



DIKATSO GO SENTHARA YA LOAGO LA RONA YA MATLAFATSO YA BATSWASETLHABELO

Mo go tshegetseng ntwaga kgaithanong le tirisodikgoka e e ikaegileng ka bong le tshotlakako ya bana e bile e le karolo ya porojeke ya Hearts and Minds, dipakana tsa tlhokomelo, dibuka tsa sekolo le PPE di ne tsa abelwa Mokgatlo o o Sa Direng Morokotso, Senthara ya Loago La Rona ya Tlhokomelo ya Batswasetlhabelo ba Tirisodikgoka ya mo Malapeng & Tlhabololo ya Baagi.

Senthara e tlamela basadi le bana ba ba sotlakakileng ka manno a nakwana, tlhokomelo le tshegetso go batswasetlhabelo ba tshotlakako le bosenyi, le go neela ka ditirelo tsa go okobatsa maikutlo diura di le 24 ka letsatsi.

"Mo boemong jwa Senthara ya Loago La Rona ya Tlhokomelo ya Batswasetlhabelo ba Tirisodikgoka ya mo Malapeng le Tlhabololo ya Baagi, ke rata go romela ditebogo go De Wildt Solar ka dikatso tseo di neng di tlhokega thata tseo re di amogetseng." **Elijah Mahlangu, Motsamaisi wa Porojeke kwa Senthareng ya Loago La Rona ya Tlhokomelo ya Batswasetlhabelo ba Tirisodikgoka ya mo Malapeng le Tlhabololo ya Baagi.**



Elijah Mahlangu go tswa kwa Senthara ya Loago La Rona ya Tlhokomelo ya Batswasetlhabelo ba Tirisodikgoka ya mo Malapeng le Tlhabololo ya Baagi (ka fa molemeng) le Julius Nong, Motlhankedi wa Diporojeke tsa Baagi wa De Wildt Solar (Ka fa mojang).

DIBASARI TSA THUTO E KGOLWANE

De Wildt Solar e neelana ka dibasari go badirakopo ba ba atlegileng bao ba falotseng Marematlou ka 2021, go akaretsa le bao ba falotseng Marematlou mo dingwageng se di fetileng e bile ba na le tetla ya go ithutela dekirii ya ntlha kgotsa Dipoloma ya Bosesetshaba kwa Yunibesithing e e ikwaditseng semolao kgotsa Kholefsho ya TVET. Seno se dira karolo ya maiteko a rona a Tlhabololo ya Ikonomi ya Loago, eo e totileng thata go tsa thuto.

Go bona teflelelo, badirakopo ba tshwanetse go nna mo sekgaleng sa 50km ya Solar Plant kwa Mmasepala wa Selegae wa Madibeng. Basari e tla duelela madi a di thuto; marobalo; dijo; lepothopo; sepalangwa; le madi a go reka dilwana tse dingwe.

Badirakopo ba ba nang le kgathhego ba kopiwa go romela di CV di na le ditokomane tsotlhe tse di tshegetsang kopo ka webosaete ya De Wildt Solar e leng:

www.dewildtsolar.co.za/scholarships




DIKOPANO TSA BAAGI

Dintlha ka ga dikgokagano tsa baagi tse di latelang di tla buisanelwa mo dipoloteforomong tsa DEWILD SOLAR tsa mo moweng gonne dikopano tsa sebele di sa letlelelwa mo nakong e ya taolo ya motsamao ya bosesetshaba.

TLHABOLOLO YA IKONOMI E E DIRISITSWENG: KWATARA 4 2021

- Tlhabololo ya Kgwebo
- Boitekanelo
- Hearts & Minds



GOLAGANYA LE RONA

Molaodi wa Ditiragatso tsa Baagi

Julius Nong

+27 65 943 9679

Julius.nong@eimsafrica.com

STAY SAFE
#CoronaVirus

www.nicd.ac.za
www.health.gov.za

Saete ya Didiriswa tsa Aforika Borwa tsa COVID-19:
www.sacoronavirus.co.za